



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-659/12  
Sarajevo, 26.3.2012. godine

01/e-50-1

26-m-2012

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO 26-03-2012			
Broj odluka	Alfabetična oznaka	Redni broj	Broj priloga
01-50-1-15-23/12			

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupnička pitanja – dostavlja se

Vijeće ministara Bosne i Hercegovine, na 4. sjednici održanoj 21.3.2012. godine, utvrdilo je Odgovor na zastupnička pitanja koja je postavila Nermina Zaimović Uzunović, zastupnica u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja zastupnici.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-659/12  
Sarajevo, 21.3.2012. godine

Nermina Zaimović Uzunović, poslanica u Predstavničkom domu Parlamentarne skupštine Bosne i Hercegovine, na 23. sjednici ovog doma održanoj 16. februara 2012. godine postavila je slijedeća poslanička pitanja:

1. „Šta je urađeno na ubrzavanju usvajanja direktiva EU?”
2. Da li postoji plan, i ako postoji kakav i kako se izvršava, po kom se usvajaju EU direktive?
3. Da li postoji jasna i usvojena procedura postupanja sa propisima nakon donošenja?“

Na postavljena pitanja, Vijeće ministara Bosne i Hercegovine je na 4. sjednici održanoj 21.3.2012. godine, utvrdilo slijedeći

**ODGOVOR**

**Odgovor na postavljeno pitanje br. 1**

Radi ubrzavanja usvajanja direktiva EU Ministarstvo spoljne trgovine i ekonomskih odnosa je od Direkcije za evropske integracije i Delegacije Evropske unije zatražilo bržu implementaciju člana 70. Sporazuma o stabilizaciji i pridruživanju. Prema ovom članu usklađivanje će se provoditi na osnovu programa koji će dogovoriti Evropska komisija i Bosna i Hercegovina. Ovim programom bi se obuhvatile sve direktive Evropske unije koje treba preuzeti u zakonodavstvo Bosne i Hercegovine te definisao institucionalni i zakonodavni okvir za njihovo preuzimanje.

**Odgovor na postavljeno pitanje br. 2**

Ministarstvo spoljne trgovine i ekonomskih odnosa je nadležno za preuzimanje direktiva EU novog pristupa prema članu 6. Zakona o tehničkim zahtjevima za proizvode i ocjenjivanju usklađenosti („Službeni glasnik BiH“, broj 45/04), a na osnovu:

- Programa preuzimanja tehničkih propisa („Službeni glasnik BiH“, broj 35/06) koji sadrži listu 29 direktiva Novog pristupa;
- Uputstva o načinu izrade i postupku donošenja tehničkih propisa („Službeni glasnik BiH“, broj 35/06; i
- Odluka o planu aktivnosti za realiziranje Programa preuzimanja tehničkih propisa („Službeni glasnik BiH“, broj 89/06), kojom je dodijeljena nadležnost za implementaciju tehničkih propisa (29 direktiva) institucijama BiH.

Osim programa preuzimanja tehničkih propisa Savjet ministara BiH je na prijedlog Direkcije za evropske integracije u oktobru 2009. godine usvojio Program prioriteta usklađivanja u zakonodavnim aktivnostima za provedbu evropskog partnerstva i Privremenog sporazuma.

### **Odgovor na postavljeno pitanje br. 3**

U članu 3. Odluke o planu aktivnosti za realiziranje Programa preuzimanja tehničkih propisa („Službeni glasnik BiH“, broj 89/06), kojom se dodjeljuje nadležnost za implementaciju tehničkih propisa (29 direktiva) institucijama BiH propisano je značenje implementacije tehničkih propisa čime je uspostavljena jasna procedura postupanja nakon donošenja.



01-03-2012

BOSNA I HERCEGOVINA			
PARLAMENTARNA SKUPŠTINA BOSNE I HERCEGOVINE			
SARAJEVO			
29.03.2012			
Organ	broj	broj	broj priloga
	01-50-1-15-23/R		

Broj: 01-6-50-775-742  
Datum: 22.03.2012.godine

**BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM**

**n/r predsjedavajućeg Doma**

**Predmet:** Odgovor na poslaničko pitanje poslanika **NERMINE ZAIMOVIĆ-  
UZUNOVIĆ, dostavlja se,-**

**Veza:** Akt Predstavničkog doma Parlamentarne skupštine BiH broj 01/a-50-1-15-  
23/12 od 20.02.2012. godine

U prilogu akta dostavljamo Vam odgovor na postavljeno poslaničko pitanje **Nermine Zaimović-Uzunović**, koje je postavila na **23.** sjednici Predstavničkog doma Parlamentarne skupštine Bosne i Hercegovine, održanoj **16.02.2012.** godine.

S poštovanjem,

**MINISTAR**  
**mr. Sadik Ahmetović**

Dostavljeno  
-naslovu  
-a/a



**BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM**

**n/r predsjedavajućeg Doma**

U prilogu akta dostavljamo Vam odgovor na pitanje **Nermine Zaimović-Uzunović** poslanika u Predstavničkom domu Parlamentarne skupštine BiH, koje je postavila na **23.sjednici** Predstavničkog doma održanoj **16.02.2012.godine**, a upućeno je Ministarstvu sigurnosti BiH i glasi:

- 1. „Koliko je aktivnosti tokom trajanja elementarne nepogode u BiH imao Operativno-komunikacijski centar 112 koji se u okviru Ministarstva sigurnosti nalazi u Sektoru za zaštitu i spašavanje?”**
- 2. Koliko je Ministarstvo sigurnosti BiH od strane predstavnika lokalnih zajednica dobilo, i u skladu s tim koliko je Ministarstvu odbrane BiH upućeno zahtjeva za angažmanom jedinica Oružanih snaga BiH na terenu na saniranju posljedica elementarne nepogode u BiH?**
- 3. Koje mjere Ministarstvo planira poduzeti u budućem periodu kako bi se spriječile posljedice poplava koje će uslijediti nakon otapanja snijega u cijeloj državi?“**

**ODGOVOR**

1. Operativno komunikacijski centar BiH-112 koji funkcioniра u okviru Sektora za zaštitu i spašavanje Ministarstva sigurnosti Bosne i Hercegovine svečano je otvoren 22.05. 2009. godine, a počeo je sa stalnim radom 08.01.2010. godine. Uspostavljanje ovog centra regulirano je Okvirnim zakonom o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini. Ovim zakonom regulirano je i uvođenje sistema jedinstvenog evropskog broja za hitne situacije-112 u Bosni i Hercegovini. Zakon je stupio na snagu 01. jula 2008. godine. Na prijedlog Ministarstva sigurnosti Bosne i Hercegovine, Vijeće ministara Bosne i Hercegovine, na 90. sjednici, održanoj 11.06.2009. godine, je donijelo Pravilnik o organizaciji, uvjetima i načinu funkcioniranja operativno komunikacijskog centra Bosne i Hercegovine - 112. Ovim pravilnikom regulirani su organizacija, uvjeti, zadaci i funkcioniranje Operativno komunikacijskog centra

Bosne i Hercegovine-112, način rada, način obučavanja i osposobljavanja uposlenika te način informiranja javnosti.

Operativno komunikacijski centar BiH-112 radi neprekidno, 0-24 sata, sedam dana sedmično (24/7) i funkcionalno je uvezan sa svim operativnim centrima institucija i organa u Bosni i Hercegovini, susjednih i drugih država i međunarodnih institucija i organizacija. Centar u slučaju prijetnje, odnosno nastanka prirodne ili druge nesreće, postupa na osnovu preuzetih obaveza Bosne i Hercegovine u skladu sa propisanim postupkom i uz primjenu standardnih obrazaca o nesrećama propisanim međunarodnim konvencijama, ugovorima i sporazumima.

Snježne padavine koje su zahvatile teritoriju Bosne i Hercegovine u februaru 2012. godine prouzokovale su izuzetno tešku situaciju koja je zahtijevala angažiranje svih snaga i sredstava, kako bi se pomoglo u spašavanju ljudskih života i osigurala zdravstvena zaštite i ishrana stanovništva u najugroženijim područjima.

Tokom trajanja snježne nepogode i pored činjenice da Vijeće ministara BiH nije proglasilo stanje prirodne ili druge nesreće na teritoriji Bosne i Hercegovine, Operativno komunikacijski centar BiH-112 obavljao je sljedeće aktivnosti:

- **Unutrašnja i međunarodna koordinacija** . Ministarstvo sigurnosti Bosne i Hercegovine, u okviru svojih nadležnosti, poduzelo je sve mjere i koordiniralo aktivnosti sa entitetskim upravama civilne zaštite, Ministarstvom odbrane Bosne i Hercegovine - Centrom za komandu i kontrolu u institucijama odbrane Bosne i Hercegovine, odnosno Oružanim snagama BiH, EUFOR-om i međunarodnim institucijama i organizacijama u cilju prikupljanja informacija i provođenja aktivnosti vezano za stanje izazvano snježnim padavinama. Operativno komunikacijski centar BiH-112 Ministarstva sigurnosti Bosne i Hercegovine je bio aktivan u punom kapacitetu sa svim uposlenim tokom cijelog perioda trajanja sniježnih nepogoda. Uspostavljena je stalna komunikacija sa centrom EUFOR-a te je traženo da se i snage EUFOR-a uključe u aktivnosti zaštite i spašavanja. Putem Operativno komunikacijskog centra BiH-112 koordinirano je i djelovanje gorskih službi spašavanja Bosne i Hercegovine u snijegom ugroženim područjima. Prioritet u svim aktivnostima je bilo spašavanje ljudskih života.

- **Međunarodna saradnja**. Kroz multilateralnu i bilateralnu međunarodnu saradnju putem Operativno komunikacijskog centra BiH-112 održavan je stalni kontakt sa NATO EADRCC Brisel (Euro-Atlantic Disaster Response Coordination Centre) centrom za koordinaciju odgovora u slučaju katastrofa, EU MIC Brisel (Monitoring and Information Centre) centrom Evropske unije za koordinaciju u slučaju katastrofa, Evropskom Komisijom u Bosni i Hercegovini, operativnim centrima u službi civilne zaštite zemalja iz regije, ambasadama zemalja Evropske unije i Sjedinjenih Američkih Država u Bosni i Hercegovini, vladinim i nevladinim organizacijama u Bosni i Hercegovini i sl. Navedenim centrima, institucijama i organizacijama su putem



Operativno komunikacijskog centra BiH-112 svakodnevno dostavljani i razmjenjivani situacijski izvještaji o stanju u Bosni i Hercegovini.

- **Saradnja sa medijima.** Putem Operativno komunikacijskog centra BiH-112 vršeno je svakodnevno informisanje medija o stanju u Bosni i Hercegovini. Objavljene su preko 70 informacija za medije. Informacije za medije su objavljene, ili autorizirane za objavljivanje, od strane Ministra sigurnosti Bosne i Hercegovine, glasnogovornika Ministarstva sigurnosti BiH ili pomoćnika ministra sigurnosti BiH za zaštitu i spašavanje. Predstavnicima Ministarstva sigurnosti Bosne i Hercegovine su u periodu trajanja sniježnih nepogoda u februaru 2012. godine učestvovali na deset radijskih ili televizijskih emisija posvećenih sniježnim nepogodama u Bosni i Hercegovini.

- **Oružane snage i EUFOR.** Putem Operativno komunikacijskog centra Bosne i Hercegovine-112 zatražen je i koordiniran angažman Oružanih snaga Bosne i Hercegovine u dopremanju hrane i lijekova zračnim putem, prijevozu osoba za pružanje pomoći, medicinskoj evakuaciji i helikopterskom izviđanju terena. Putem OKC BiH-112 zatražen je i koordiniran angažman mehanizacije i pripadnika Oružanih snaga Bosne i Hercegovine u raščišćavanju snijega na ugroženim područjima. Koordinacija učešća snaga EUFOR-a u Bosni i Hercegovini na zadacima pružanja pomoći ugroženom stanovništvu odvijala se također putem Operativno komunikacijskog centra Bosne i Hercegovine-112.

Tokom izvođenja svih navedenih aktivnosti oficiri za vezu EUFOR-a i Oružanih snaga Bosne i Hercegovine su zajedno sa predstavnicima Ministarstva sigurnosti Bosne i Hercegovine u Operativno komunikacijskom centru BiH-112 planirali i koordinirali sve navedene aktivnosti. Oficir za vezu Operativno komunikacijskog centra BiH -112 u isto vrijeme koordinirao je aktivnosti u Centru za komandu i kontrolu u institucijama odbrane Bosne i Hercegovine, odnosno Oružanim snagama BiH.

Operativno komunikacijski centar BiH-112 Ministarstva sigurnosti Bosne i Hercegovine bio je u stalnoj funkciji (24/7), kao i ostali državni službenici i zaposlenici iz nadležne organizacijske cjeline za oblast zaštite i spašavanja Ministarstva sigurnosti Bosne i Hercegovine.

Operativno-komunikacijski centar BiH-112 Ministarstva sigurnosti Bosne i Hercegovine svojim aktivnostima ostvario je svoju zakonom utvrđenu nadležnost i poduzeo sve aktivnosti kako bi se djelovalo brzo i efikasno, prvenstveno u onim područjima gdje su bili ugroženi ljudski životi.

Tokom aktivnosti koje su se provodile nije bilo radnog vremena, a situacija je zahtijevala da angažirano osoblje radi svaki dan uključujući i subote i nedjelje, vrlo često i preko 16 sati dnevno, u periodu od 04. do 20.02.2012. godine.

\*\*\*

2. Angažman jedinica Oružanih snaga Bosne i Hercegovine u slučaju prirodnih ili drugih nesreća u Bosni i Hercegovini reguliran je Zakonom o odbrani Bosne i Hercegovine, Okvirnim zakonom o zaštiti i spašavanju ljudi i materijalnih dobara od prirodnih ili drugih nesreća, Sporazumom o saradnji između Ministarstva obrane Bosne i Hercegovine i Ministarstva sigurnosti Bosne i Hercegovine u oblasti reagiranja na prirodne ili druge nesreće te Standardnim operativnim procedurama (SOP) angažiranja Oružanih snaga Bosne i Hercegovine na pružanju pomoći civilnim organima u reagiranju na prirodne ili druge nesreće.

Prema članu 6. SOP-a Oružane snage Bosne i Hercegovine se mogu angažirati na pružanju pomoći civilnim organima u reagiranju na prirodne ili druge nesreće kada se iscrpe raspoloživi civilni resursi ili civilni organi ne raspolažu potrebnim ili dovoljnim resursima za odgovor na prirodnu ili drugu nesreću.

Prema procedurama, Ministarstvo sigurnosti Bosne i Hercegovine putem Operativno komunikacijskog centra BiH-112 sa kojim su uvezani operativni centri entiteta i Brčko Distrikta BiH (koji funkcioniraju u okviru entitetskih uprava civilne zaštite i Odjela za javnu sigurnost Brčko Distrikta BiH), a na osnovu zahjeva za pomoć Oružanih snaga Bosne i Hercegovine primljenih od nadležnog civilnog organa entiteta ili Brčko Distrikta Bosne i Hercegovine, vrši selekciju, popunjava, ovjerava i šalje Zahtjev za pomoć Oružanih snaga Bosne i Hercegovine. Zahtjev za angažman Oružanih snaga Bosne i Hercegovine dostavlja se Centru za komandu i kontrolu institucijama odbrane Bosne i Hercegovine.

Lokalne zajednice, prema procedurama, dostavljaju zahtjeve prema nadležnim entitetskim strukturama civilne zaštite i Brčko Distrikta BiH, koji nakon potvrđivanja i ovjeravanja zahtjeva isti prosljeđuju prema Operativno komunikacijskom centru BiH-112 Ministarstva sigurnosti Bosne i Hercegovine.

Za vrijeme trajanja sniježnih nepogoda u februaru 2012. godine lokalne zajednice i pojedinci obraćali su se i direktno putem telefona, email-a i fax-a sa zahtjevima za pomoć i angažman Oružanih snaga BiH na adresu Operativno komunikacijskog centra BiH-112 Ministarstva sigurnosti Bosne i Hercegovine.

O takvim zahtjevima informirane su nadležne entiteske uprave civilne zaštite koje su vršile procjenu stanja na terenu. U slučaju opravdanosti takvih zahtjeva, u koordinaciji sa Operativno komunikacijskim centrom BiH-112 Ministarstva sigurnosti BiH takav zahtjev je prosljeđivan prema Centru za komandu i kontrolu u institucijama odbrane Bosne i Hercegovine, odnosno Oružanim snagama BiH.

Tokom cijelog navedenog perioda, prema okvirnim podacima, koordinirani su zahtjevi za angažman OS BiH i to:



OS BiH su imale ukupno **47** zahtjeva a rezultat je: ukupno prevezli **178** osoba, evakuirane **22** osobe, evakuirano **13 bolesnih** osoba (MEDEVAC) i prevezeno cca **17.000 kg** raznog tereta.

U periodu od 04.02-26.02.2012. godine angažirani su slijedeći resursi Ministarstva odbrane Bosne i Hercegovine i Oružanih snaga BiH:

BROJ DANA	BROJ AKTIVNOSTI	ANGAŽIRANE MAŠINE I VOZILA				VOJNA LICA	HELIKOPTERI	
		MAŠINE	VOZILA	MOTO SATI	SATI RADA		TIPOVI	LETOVI
1	2	3	4	5	6	7	8	9
23	202 (28 lokacija)	160	72	1005	16.968	2.525	Mi-17 Mi-8 GAZELA UH-1H	38

Dio zahtjeva za angažman Oružanih snaga BiH, u koordinaciji sa samim Oružanim snagama BiH, prosljeđen je prema snagama EUFOR-a u BiH koje su iskazale spremnost za pomoć civilnom stanovništvu u snijegom zametenim područjima Bosne i Hercegovine.

Prema EUFOR- u, a u skladu sa ranije postignutim dogovorom za pomoć stanovništvu Bosne i Hercegovine u slučaju prirodnih ili drugih nesreća, Ministarstvo sigurnosti Bosne i Hercegovine je uputilo je **18** zahtjeva, a rezultat je: ukupno prevezli - evakuirali cca. **23 osobe** i prevezeno je cca **6 tona** raznog tereta

\*\*\*

**3.** Procijenjujući situaciju koja može nastupiti usljed naglog otapanja snijega, što bi prouzrokovalo porast vodostaja riječnih i drugih tokova, a time i mogućnost nastanka poplava širih razmjera, Ministarstvo sigurnosti Bosne i Hercegovine poduzelo je sljedeće aktivnosti:

1. Upućen akt broj:09-04-1-578/12, od 08.02.2012. godine vladama entiteta i Vladi Brčko Distrikta Bosne i Hercegovine da poduzmu aktivnosti na ažuriranju planova za djelovanje u slučaju poplava, kao i da poduzmu mjere koje bi osigurale plansko reguliranje protoka vode u hidroakumulacijama (brane i hidrocentrale).

2. Upućen akt broj:09-04-1-555/12, od 09.02.2012. godine rukovodiocima nadležnih institucija za zaštitu i spašavanje Republike Srbije, Crne Gore, Republike Slovenije i Republike Hrvatske kojim je traženo, da se na osnovu potpisanih sporazuma o saradnji u oblasti zaštite i spašavanja, kao i zbog mogućnosti nastanka poplava, vrši stalna razmjena podataka o stanju vodotoka i načinu reguliranja protoka vode kroz hidroakumulacije s ciljem poduzimanja adekvatnih mjera i pravovremenog obavještanja stanovništva. Predloženo je da se razmjena podataka vrši kroz operativno-komunikacijske centre koji imaju neprekidno radon vrijeme (24/7).

3. Dana 15.02.2012. godine je organiziran sastanak sa potencijalnim donatorima (predstavnicima ambasada u BiH, međunarodnih organizacija i institucija) s ciljem nabavke opreme i sredstava koja bi se koristila radi pomoći stanovništvu ugroženom snježnim padavinama i niskim temperaturama i eventualnim poplavama. Potencijalnim donatorima je osiguran pregled potrebne opreme i sredstava, koji je sačinjen u saradnji sa entitetskim upravama civilne zaštite i Odjelom za javnu sigurnost Brčko Distrikta Bosne i Hercegovine. Odziv sastanku je bio imponzantan, osigurana su značajna sredstva, oprema i hrana, a aktivnost je još u toku.

4. Upućen akt broj:09-04-1-555-6/12, Od 23.02.2012. godine rukovodiocima nadležnih organizacionih jedinica za oblast zaštite i spašavanja u Republici Srbiji i Crnoj Gori kojim je upozoreno da je u nekim hidroakumulacijama nivo vode iznad dozvoljenog i da se poduzmu hitne mjere na regulaciji protoka vode kako bi se mogle akumulirati nove količine vode ako dođe do naglog otopljanja snijega. Preloženo je i zajedničko održavanje sastanka na kome bi se razgovoralo o navedenom pitanju. Prihvaćena je inicijativa za sastanak i njegovo organiziranje je u toku.

5. S obzirom na nadležnosti Ministarstva vanjske trgovine i ekonomskih odnosa Bosne i Hercegovine u oblasti energetike, utvrđenih članom 9. Zakona o ministarstvima i drugim organima uprave Bosne i Hercegovine upućen je akt broj: 09-04-1-555-5/12, od 23.02.2012. godine, kojim je traženo da to Ministarstvo poduzme mjere kako bi se preventivno djelovalo na nastanku eventualnih poplava kroz usklađivanje režima rada u hidroakumulacijama u Bosni i Hercegovini, što je u proteklom period bio veliki problem.

6. Dana 02.03.2012. godine održan sastanak sa predstavnicima entitetskih uprava civilne zaštite i Odjela za javnu sigurnost Brčko Distrikta Bosne i Hercegovine, a radi usklađivanja planova za djelovanje u slučaju poplava.

7. Dana 02.03.2012. godine u Beogradu održan sastanak sa predstavnicima Sektora za vanredne situacije Ministarstva unutrašnjih poslova Republike Srbije na kome je razgovarano o saradnji u oblasti zaštite i spašavanja, s posebnim akcentom na saradnju u slučaju poplava. Zaključeno da se stalno razmjenjuju podaci, te da se organizira sastanak u Loznici na kome bi prisustvovali šefovi operativno-komunikacijskih centara i po jedan predstavnik za planiranje gdje bi se dogovorio način i lista pitanja na osnovu koje bi se vršila razmjena podataka za sve vrste prirodnih ili drugih nesreća.

8. U realiziranju Direktive 2007/60/EZ Evropskog parlamenta i Vijeća, od 23. oktobra 2007. godine o procjeni i upravljanja poplavnim rizicima, predstoji obaveza država koje imaju zajedničke prekogranične rizike od poplava da se izrade i objave zajednički planovi upravljanja poplavnim rizicima do 22. decembra 2015. godine. Države su do sada imale obavezu izvršiti procjenjivanje ugroženosti od poplava, što je u Bosni i Hercegovini i učinjeno **(izrađene procjene na svim nivoima)**.